



TOSHKENT DAVLAT YURIDIK UNIVERSITETI REKTORINING B U Y R U G ' I

2020-yil « 11 » noyabr

08-218-son

Тошкент давлат юридик университети педагог ходимларининг стажировкасини ташкил этиш тўғрисида

Ўзбекистон Республикаси Президентининг 2017 йил 28 апрелдаги “Тошкент давлат юридик университетида кадрлар тайёрлаш тизимини тубдан такомиллаштириш ва самарадорлигини ошириш чора-тадбирлари тўғрисида”ги ПҚ-2932-сон қарори ва 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ-5987-сон Фармони ҳамда Ўзбекистон Республикаси адлия вазирининг 2020 йил 4 ноябрдаги 214-ум-сон буйруғи билан тасдиқланган Тошкент давлат юридик университети педагог ходимларини давлат ва хўжалик бошқаруви органлари, суд ва ҳуқуқни муҳофаза қилувчи органлар, адвокатура, олий таълим муассасалари ва тадқиқот марказларида 2020/2021 ўқув йилида стажировка ўташ дастури ижросини таъминлаш мақсадида

БУЮРАМАН:

1. Ўзбекистон Республикаси адлия вазирининг 2020 йил 4 ноябрдаги “2020/2021 ўқув йилида Тошкент давлат юридик университети педагог ходимларининг стажировкасини ташкил этиш тўғрисида”ги 214-ум-сон буйруғи маълумот ва ижро учун қабул қилинсин.

2. Амалиёт ва касбий ривожлантириш бўлими (К.Ҳакимов) факультет деканлари билан биргаликда:

педагог ходимлар стажировкасини ишдан ажралмаган ҳолда юқори савияда ташкил этиш бўйича зарур ташкилий ишларни амалга оширсин;

стажировка давомида ташкилотларнинг мутахассислар тайёрлаш сифатига бўлган талабларини бевосита мутахассислик кафедраларнинг профессор-ўқитувчилари томонидан тизимли ўрганиб борилишини ташкил этсин;

стажировка ўтаётган педагог ходимларнинг юридик кадрлар тайёрлаш сифатига бўлган талабларни ўрганиб боришини ҳамда стажировка натижасига кўра ўқув жараёни ва юридик таълимни такомиллаштириш юзасидан амалий тавсияларни таҳлилий маълумот шаклида вазирликка киритилишини таъминласин;

стажировка якунлари бўйича амалга оширилган ишлар хусусида ҳар бир педагог ходим тегишли кафедрага ҳамда Амалиёт ва касбий ривожлантириш бўлими ўз вақтида ҳисобот тақдим этилишини таъминласин.

3. Проректор И.Рустамбеков педагог ходимларнинг стажировка ўташ мобайнида олган амалий билим ва кўникмаларини ўқув жараёнига, айнан талабаларнинг билимларини янада мустаҳкамлашга ва ушбу билимларни касбий юридик фаолиятнинг кўникма ва маҳоратларига айлантиришга, талабаларнинг аниқ иш жойидаги амалий ишга тайёрлашга татбиқ этилишини таъминласин ва назорат қилсин.

4. Мазкур буйруқ ижросини назорат қилишни ўз зиммамда қолдираман.

Ректор



Р. Хакимов

Лойиҳа киритилди:

Амалиёт ва касбий ривожлантириш
бўлими бошлиғи

К.Ҳакимов

Келишилди:

Проректор

И.Рустамбеков

Кадрлар бўлими бошлиғи

А.Матмуротов

Катта юрисконсульт

Э.Хосилов